


Fiselech

Gronvel



Rene' Goubin
73 ans

Journal scolaire (techniques Freinet)
coopérative de l'Ecole
publique de Glomel

C.d.N PSC : 1.070

Le gérant : A. Le Hencien

TROTOUT

KANT

ALANIG

AL

LOUARN

Kontadennou dastumet eGROÑVEL gand ERWANEZ KONAN, I4 vloaz.

EUR WECH E OA EUL LOUARN A VEZE GRET ALAN DEUSÂN;
deuz ar BLEIZ e veze grêt GWILLOU,
ha deuz al LEON, ROUE .



A R P U Ñ S

Eun noz e oa Alan ha Gwillou o tond deuz eur fest-noz pato, hag e oa deut sehed deze o-daou.

'Oant erru ba tal eur puñs; deuz ar puñs e oa daou gelorn: pen hê eur helorn d'an traoñ, hê an hini all d'an neh.

Alan a laras da Willou :

—" Me a zo o vond ar hentañ da eved dour ha pen 'm-o evet ma gwähl, hwi tey ba'r helorn all."


Gwillou oa pounneroh evid Alan.

Dioustu 'n-oa lampet Gwillou ba'r helorn, e oa deut Alan d'an neh.

Pen oant 'n em groaza ba'r puñs, Alan a laras da Willou:

—"Giz-se 'ma kont; boud so re ' 'ond ha re all ' tond!"

Abaoe 'ma chomet Gwillou ba'r puñs da eved dour .



A R M O U A R

Et e oa Gwillou ha Roue da vale. War an hent o-doa kavet Alan, a oa o klask mouar-du.

Gwillou a laras dezañ :

-" C'hwi a zo ' klask taped mouar ?"

-" Ya, eme Alan."

-" Gortozit, me ' zo ' vond david eur vaz reut ."

-" Où trugarez deoh, eme Alan."


Pa oa erruet Gwillou war e giz, e plantas ar vaz ba rér Alan, hag e savas anezañ beteg ar mouar.

Ha Gwillou da lared :

-" Bez' ho-epus bet tra-walh ? "

-" Ya zur, abaoe pell 'zo."

Ha Gwillou ha Roue da zorhel gand o hent, hag Alan da vond kuit ken buan ha ma helle.



KROHENN GWILLOU

Fun devez e oa chomet Roue klañv, ha
Gwillou en-oa klevet.

Pen oa eñ o vond da weled ar Roue, e kavas Alan war an hent,
hag e houlennas gantañ :

- "Da beleh eh it, Alan ?"
- "Da glask eur yar da ma lein."
- "N'it ket da weled ar Mestr ?"
- "Pen 'm-oa kavet eur yar ."
- "Boñ", a laras Gwillou.

Pen oa erru ba ti ar Roue, eñ laras :

- "Demad, ma Mestr ."
- "Demad 'ta, Gwillou."
- "C'hwi zo klañv 'ta, Mestr ? " a lars Gwillou.
- "Ya, klañv braz."

Gwillou ' laras:

"Ma ! me 'm-eus gwelet Alan war an hent, ha 'm-eus goulen-
net digantañ hag e teufe da weled ahanoh, hag eñ a laras hê da
glask eur yar evid e lein ."
- "Boñ, grit eur poz, Gwillou", a laras ar Roue.

Alan a oa o selaou aneze ba'r porz.

O tond a-greiz-toud ba'n ti, e laras :

- "Demad, ma Mestr, petra zo erru ?"
- "N'ouzon ket ."

Hag Alan a laras :

- "N'ouzoh ket petra eseo deoh ?"
- "Nann!"
- "Krohenn Gwillou da lakaad war ho treid !"

Gwillou a rê sellou falli.

Hag e oe diskrohennet Gwillou evid parea ar Roue .

Fiseled Groñvel : MIZ MEURZ 1960

A-benn broñv e vo em'annet war eun dro eur gelaouenn voul-
let, hag unan gomzet war vondenn vanietofon. Kaset e vo da gentañ da
skol St Yann Trölimon, ha war-lerh d'ar re a houlenno.

EUN TRAUTER MAD

pennad savet gand bugale skol Dregastell.

Eun devez e oa eun den o tremen war an hent du-mañ gand
e drakter.

Hag e oa eun drakter mad !

Red e oa ober diou pe deir dro d'ar rod-stur evid lakaad ar
rodou da dreñ.

N'en-nevoa golo-rod ebed, neuze n'en-nevoa ket ken golo!

Eur rod a-raog a zo bihannoh evid egile. Eur 2 Cv eo.

A-wechou, pa 'z eer di, an trakter a zo en peziou war an daol.

Eur blo vez zo chomet ar boulonou mesk ar geot ! Evurusamant eo
eur mekaniker mad.

Kalz a drouz a ra an trakter. Kalz moged iveau, evel pa vije an
tan.

Eun trakter mad eo .

J.C. Nedelec, ha bugale all.

Ar vuoh

Eur wech e oan êt e-barz eur park gand ma zad koz ha Yolande.

Eur vuoh a oa ganim.

Yolande ha me a oa oh en em ganno.

Me a oa o klask lakaad ar vuoh war gein Yolande, ned ar vuoh
a oa deut war ma hini.

Evurusamant e oa ma zad koz o trhed lann; a-hend-all e vefen
bet lahet, ha Yolande iveau.

Aoun em-oa bet.

